



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 60. Protestantium Hungarorum seditio contra Cæsarem & Catholicos.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII charus, & Gallis oppido addictus: qua-  
 A.C. 1672. propter ab ipso Ludovico XIV. Rege  
 in Abbatem Diæcesis Senonenfis no-  
 minatus, Galliæ Patronum apud Sa-  
 dem Apostolicam gessit: Postea Anno  
 hujus sæculi sexagesimo nono Mens  
 Novembri in Lepidiensem Episcopum  
 inauguratus, hanc Ecclesiam abdicavit,  
 postquam a Galliarum Rege Mous-  
 pessulanus Episcopus nominatus fuerat:  
 obiit autem annos natus quinquaginta  
 quatuor.

## §. LX.

*Protestantium Hungarorum seditionis  
 contra Cæsarem & Catholicos.*

*Wagner vit.* Præcipuis Hungariæ Rebellionis Au-  
*Leopold.* ctoribus e medio sublatis, Leopoldus  
*Han Pan.* Imperator, ut ipsas turbarum ra-  
*nov. p. 464.* dices evelleret, post crebras consulta-  
 tiones Viennæ habitas tandem veterem  
 Hungarici Regni statum immutare des-  
 crevit, ac suppressis Palatini, Judicis  
 Curia, Banni aliisque officiis, quæ  
 rum auctoritate rebellio aut crepta aut  
 promota fuit, subrogavit Regni Ge-  
 bernatorem Casparum Ambrigenum  
 Teutonicorum Equitum Magistrum, quæ  
 rum in Hungarorum mores mirifice  
 factum. Huic insuper adjunxit e Viennæ  
 primariis Senatam, qui tamen in desce-  
 dentibus

Sæc. XVII.  
A. C. 1672.

dendis gravioribus negotiis a Cæsaris auctoritate dependeret: denique urbes præsidario firmavit milite, qui Regni sumptibus aleretur, atque ad omnem rebellionis auram accurrere promptus, lubricæ fidei gentem in officio contineret: Verum hæc salubriter constituta Regno tranquillitatem reddidissent, si fideliter servata fuissent, nec Lutherani ac Calvinistæ sectam suam, quam olim seditionis ope in Regnum invexerant, composito tumultu decrescere reformidassent: Ea enim ex causa seditiosorum Nobilium non pauci ductore Comite Balasso Budensem Bassam ad invadendam Hungariam incitabant, collectisque copiis urbem Kalo intercipientes, non modo Germanorum præsidium, sed omnes Catholicos, quotquot suo furori obvios habuere, nullo habito ætatis, conditionis aut sexus discrimine trucidabant: cum autem eo tempore Cæsaris copiæ aliorum distractæ abessent, & rebelles valida sibi Protestantium auxilia promitterent, eoquod in Silesia, Moravia, Bohemia, Superiore Austria, ac in plerisque Transylvaniæ & Hungariæ Urbibus Prædicantes jam antea populum sub ementito Religionis & libertatis tuendæ obtentu ad arma capessenda excitassent, hinc victoriæ fiducia animati, rapinas, & incendia

*Hist. Eccles. Tom. LXIII.* Rr lon-

Sæc. XVII. longe lateque miscebant: Auxerat eorum petulantiam Abaffius Transylvaniæ Princeps, qui Cæsari & Catholice religioni infensissimus, ad promovendum fidei regnique excidium, omnes impendebat vires. Hujus igitur auxilio freti rebelles, primo Eperies urbem, ubi quosdam conjurationis socios habebant, tentare aggrediuntur, eamque nullo negotio ad deditioem compellunt, inde vero promotis castris Sandandreanam arcem, aliasque plures urbes expugnarunt, ceterasque in rebellionis partem trahere intenti, vulgatis in Cæsarem famosis libellis populorum fidem, animosque depravare lætegerunt. Postquam vero Coppus Cæsareus Bellidux cum valido agmine ex inferiore Hungaria in Superiorem emerperat, rebellium audacia repressa erat; inuito enim prælio Cassoviæ devicti, & plusquam mille trucidati fuere, atque inter eos etiam Prædicantes, ceteri demum partim in Transylvaniam, partim Varadinum usque, Turcicæ ditionis urbem profugerunt: postea recuperata Eperies urbe, multisque locis Abaffio eorum fautori ereptis, reliquæ civitates adversus rebellium impetus munitæ, impositis præsidiis a rebellandi libidine coercitæ fuerunt: Nec ulla etiam seditiosis spes reliqua erat

erat in Comite Emerico Töckelio; hic enim post Patris sui obitum amissis Sæc. XVII.  
A.C. 1672.  
Köswariensi, & Likawana arcibus, omnibusque pretiosis, ab Heistero Cæsaris Archistratego unacum aliis complicibus jam antea aufugere compulsus erat.

§. LXI.

*Detecta Prædicantium perfidia ac rebellio in Hungaria.*

Dudum in Hungaria Cæsareis suspecta erat Calvinitarum ac Lutherano-  
rum Prædicantium fides; ex ipsa enim infelici Comitum Nadastii & Serini confessione, necnon ex plurium aliorum relatione constabat, quod hi Præcones a stiva ferme & aratro ad animarum directionem evocati, suoque ministerio abusi, turbulentis suis concionibus rudem plebem ad patriæ libertatis, sectæque suæ defensionem passim accenderint, & Procerum rebellionem clam foverint: id tamen adhuc nonnisi paucorum fanatico suæ Religionis Zelo tribuebatur, ac insuper tum exactiorem rei inquisitionem gravioris tumultus timor suspendebat: hoc tandem anno luculentis proditum inditiis, quod Prædicantes Hungari non infima totius rebellionis causa, ac fomentum existerrint:

*Labfancii  
Synopsis  
judic. Pos.*